

Broj: 01-11-12-1055-8/25
Sarajevo, 24.06.2025. godine

Na temelju člana 70. Zakona o javnim nabavkama („Službeni glasnik BiH”, br. 39/14, 59/22 i 50/24), Plana nabavki Federalne uprave za geodetske i imovinsko-pravne poslove, broj: 01-11-12-525-1/25 od 22.04.2025. godine, Odluke o pokretanju otvorenog postupka javne nabavke usluga - „Usluge izgradnje kapaciteta i edukacije zaposlenika subjekata IPP FBiH”, broj: 01-11-12-1055/25 od 22.05.2025. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-1055-7/25 od 24.06.2025. godine, direktor Federalne uprave za geodetske i imovinsko-pravne poslove d o n o s i

O D L U K U

o izboru najpovoljnijeg ponuđača u otvorenom postupku javne nabavke usluga – „Usluge izgradnje kapaciteta i edukacije zaposlenika subjekata IPP FBiH“

I

Prihvata se preporuka Komisije za provođenje otvorenog postupka javne nabavke usluga - „Usluge izgradnje kapaciteta i edukacije zaposlenika subjekata IPP FBiH”, data u Zapisniku o ocjeni ponuda, broj: 01-11-12-1055-7/25 od 24.06.2025. godine, da se za najpovoljniju ponudu prihvati ponuda ponuđača GAUSS d.o.o. Tuzla.

II

Ponuđaču 12.06.2025, u skladu sa Ponudom, broj: 80-VI/2025 od 02.06.2025. godine, i cijenom ponude u iznosu od 64.102,50 KM bez PDV-a, odnosno 74.999,92 KM sa PDV-om, dostavit će se prijedlog okvirnog sporazuma za javnu nabavku usluga – „Usluge izgradnje kapaciteta i edukacije zaposlenika subjekata IPP FBiH”.

III

Izabrani ponuđač GAUSS d.o.o. Tuzla je uz ponudu dostavio sve kvalifikacijske dokaze iz izjava, odnosno iz uslova propisanih tenderskom dokumentacijom.

IV

Ova odluka dostavit će se izabranom ponuđaču GAUSS d.o.o. Tuzla u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

V

Ova odluka stupa na snagu danom donošenja.

Obrazloženje

Na temelju Zakona o javnim nabavkama („Službeni glasnik BiH“, br. 39/14, 59/22 i 50/24) i Plana nabavki za 2025. godinu, broj: 01-11-12-525-1/25 od 22.04.2025. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-1055/25 od 22.05.2025. godine, pokrenula otvoreni postupak javne nabavke usluga - „Usluge izgradnje kapaciteta i edukacije zaposlenika subjekata IPP FBiH“, za koji je na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-12-3-9/25 od 23.05.2025. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-1055-1/25 od 22.05.2025. godine, koja je o istom sačinila Zapisnik o zaprimanju ponuda, broj: 01-11-12-1055-4/25 od 12.06.2025. godine, Zapisnik o otvaranju ponuda, broj: 01-11-12-1055-5/25 od 12.06.2025. godine i Zapisnik o ocjeni ponuda, broj: 01-11-12-1055-7/25 od 24.06.2025. godine.

U skladu sa tenderskom dokumentacijom i obavještenjem o nabavci sa web Portala Agencije za javne nabavke BiH, dana 12.06.2025. u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to ponude:

1) GAUSS d.o.o. Tuzla

Po predmetnom nadmetanju, Komisija je ustanovila da je do roka utvrđenog tenderskom dokumentacijom i obavještenjem o nabavci dostavljena ukupno jedna (1) ponuda za predmetnu nabavku usluga, i to ponuda ponuđača GAUSS d.o.o. Tuzla.

Pregledom i analizom zaprimljene ponude, Komisija je konstatovala da je ponuda dostavljena na način predviđen tenderskom dokumentacijom, da je cijena predmetne ponude u iznosu koji je identičan vrijednosti koja je procijenjena za ovu vrstu javne nabavke usluga, zatim da je ponuđač GAUSS d.o.o. Tuzla kvalifikovan za pružanje predmetnih usluga, te da je uz ponudu dostavljena sva obligatorna kvalifikaciona dokumentacija propisana tenderskom dokumentacijom, kao i svi kvalifikacioni dokazi.

Komisija je također utvrdila da ponuda ne sadrži formalno-pravne, odnosno tehničke nedostatke u odnosu na tendersku dokumentaciju, a koji bi eventualno bili razlog za odbacivanje iste.

Tačkom 3.7. tenderske dokumentacije ovaj ugovorni organ je za predmetnu nabavku usluga predvidio postupak E-aukcije, međutim imajući u vidu da je zaprimljena samo jedna prihvatljiva ponuda, to u skladu sa odredbom člana 4. stav (2) Pravilnika o uslovima i načinu korištenja E-aukcije („Službeni glasnik BiH“, broj 80/23) nije bilo osnova za zakazivanje postupka E-aukcije.

Uzimajući u obzir naprijed navedeno, kao i kriterij prihvatljive ponude sa najnižom cijenom kao uslova za dodjelu okvirnog sporazuma, kako je to propisano tačkom 3.6. tenderske dokumentacije, Komisija je ocijenila da je ponuda ponuđača GAUSS d.o.o. Tuzla formalno-pravno i tehnički prihvatljiva, te da ispunjava sve uslove tražene tenderskom dokumentacijom i projektnim zadatkom, pa je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ove ponude kao najpovoljnije za predmetnu nabavku usluga.

U postupku donošenja ove odluke, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-1055-7/25 od 24.06.2025. godine, da se za najuspješniju ponudu u otvorenom postupku javne nabavke usluga – „Usluge izgradnje kapaciteta i edukacije zaposlenika subjekata IPP FBiH“ prihvati ponuda ponuđača GAUSS d.o.o. Tuzla, a koja je ocijenjena kao prihvatljiva, tehnički kvalifikovana i najpovoljnija, sa cijenom ponude u iznosu od 64.102,50 KM bez PDV-a, odnosno 74.999,92 KM sa PDV-om.

U postupku analize provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je donio Odluku kao u dispozitivu.

Pouka o pravnom lijeku: U skladu sa odredbama člana 101. stav (1) Zakona o javnim nabavkama, protiv ove odluke može se uložiti žalba u roku od deset (10) dana od dana zaprimanja. Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom. Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).


DIREKTOR
Željko Obradović, dipl.ing.geod.

Prilog: Zapisnik o ocjeni ponuda

DOSTAVITI:

1. GAUSS d.o.o. Tuzla;
2. Sektor za upravljanje projektima iz programa javnih investicija - o v d j e;
3. U spis.

